

Capo 0. 2

D'issa ghjente, d'issa terra, ne parlaraghju dinò
Chè ne semu à la miseria, a miseria d'un esse più

Eramu i schjavi fieri, avessa la schjavitù
Chjocca messa e manere, e manere d'un esse più

Ma mi ! Qual'hè chì s'affaca quì

È po marchjà, è po cantà, a nostra santa libertà

È po marchjà, è po cantà, a nostra santa libertà

Ci ferma nant'à li ghjorni, ghjustu un pane d'un crepà

Ma si sò spenti li forni, è lu spiru ùn spunterà

Straziemu e strade di l'esiliu, stranu passu à strascinà

Passu messu à e manere, e manere di quallà

Ma mi ! Qual'hè chì s'affaca quì

È po marchjà, è po cantà, a nostra santa libertà

È po marchjà, è po cantà, a nostra santa libertà

Firmarà sempre zitellu, Zitellu a to verità

Chì un mesu per un annu, eccuti u to campà

S'hè pisatu l'urfanellu, è s'hè messu à mughjà

È so strappe, e so pene, u calveru di cantà

L'anu postu le catene, è po lampati in le prigiò

Ch'un si salva un paese, s'elli ci sò sempre i sgiò

Ma mi ! Qual'hè chì s'affaca quì

Ghjè un populu chì marchjà, incù lazziu di cantà

A parolla santa è pura, u nome di libertà

È po marchjà, è po cantà, a nostra santa libertà

È po marchjà, è po cantà, a nostra santa libertà